

Bievnesh nasjovnaale pryövi bijre

2014

Eejhtegidie maanide 5., 8. jäh 9. daltesisnie



Man åvteste nasjovnaale pryövuh?

Nasjovnaale pryövuh bievnesh vedtieh guktie learohkh dejtie uvtemes tjiehpiesvoetide haalvoeh lohkemisnie jïh ryöknedimmesne jïh bielne faageste eengelsken gielesne.

Doh uvtemes tjiehpiesvoeth leah:

- *Digitaale tjiehpiesvoeth*
- *Njaalmeldh tjiehpiesvoeth*
- *Maehtedh lohkedh*
- *Maehtedh ryöknedidh*
- *Maehtedh tjaeledh*

Daah maehtelesvoeth leah vihkeles lierehtimmien jïh evtiedimmien gaavhtan gaajhkine faagine, jïh stoerre utliem utnieh guktie learohkh skuvlesne, jïh mænngan jieliedisnie bierkenieh.

Doh pryövuh ryöknedimmesne jïh lohkemisnie eah leah pryövuh faagine nöörjen jïh matematihke, bene lohkemisnie jïh ryöknedimmesne goh uvtemes tjiehpiesvoeth faagi dåaresth. Doh pryövuh eengelsken gielesne fokusem utnieh lohkemegoerkesasse, baakoeveahkan jïh grammatihkese.

Skuvle edtja pryöve-illedahkide vuejnedh jeatjah bievneshigujmie ektine learohki bijre, jïh edtja illedahkide nuhtjedh gosse barkeminie dej uvtemes tjiehpiesvoetigujmie jïh jaabnanvarjasjimmie. Jaabnanvarjasjimmie ulmine åtna lierehtimmien eevtjedh jïh våaromem vedtedh akten sjehtedamme lierehtæmman.

Gieh edtjeh mah pryövuh tjirrehtidh?

Edtja nasjovnaale pryövuh tjirrehtidh 5., 8. jïh 9. daltesisnie. Åejvienjoelkedassine dle gaajhkh learohkh edtjeh meatan årrodh. Learohkh 5. jïh 8. daltesisnie edtjeh nasjovnaale pryövuh tjirrehtidh lohkemisnie, ryöknedimmesne jïh eengelsken gielesne.

Learohkh 9. daltesisnie edtjeh nasjovnaale pryövuh tjirrehtidh lohkemisnie jïh ryöknedimmesne. Daah pryövuh leah doh seamma goh 8. daltesen pryövuh. Pryövuh ryöknedimmesne jïh eengelsken gielesne leah elektrovneles pryövuh.

Learohkh 5., 8. jïh 9. daltesisnie mej noerhte-, åarjel- jïh julevsaemien voestesgieline, edtjeh nasjovnaale pryövuh lohkemisnie saemiengielesne tjirrehtidh. Daah learohkh edtjeh aaj nasjovnaale pryövuh ryöknedimmesne saemien gielesne tjirrehtidh.

Dejtie learoehkide mah sjiereööhpehtimmien jallh sjiere nöörjenlierehtimmien åadtjoeh, skuvle mahta nænnoestimmien darjodh lutniestimmien bijre nasjovnaale pryövijste. Doh learohkh eah edtjeh automatihkeles lutniestimmien åadtjodh. Tjuara tjielke årrodh pryöve-illedahke ij sijth dan stoerre mielem utnedh learohki lierehtæmman guhkiebasse.

Jalhts akte learohke reaktoem åtna lutniestimmien åadtjodh, learohke jïjtje jallh dan eejhtegh maehtieh læjhkan nænnoestidh satne edtja pryövem tjirrehtidh.

Magkerh laavenjassh learohkh edtjeh darjodh?

Pryövine ovmessie teeksth, guvvieh jïh laavenjassh gyhtjelassigujmie. Learohkh vaestiedieh viehkine gaahpoeh laavenjassijste jïh jienebeveeljemelaavenjassijste. Gaahpoeh laavenjassine learohkh edtjeh jïjtsh baakoejgumie jallh taaligujmie vaestiedidh, mearan jienebeveeljemelaavenjassh sæjhta jiehtedh learohkh edtjeh aktem veeljedh jieniebistie vaastoealternativijste.

Pryövine dovne aelhkie, gaskoeh jïh gierve laavenjassh juktie bievnesh vedtedh learohki bijre gaajhkine tjiehpiesvoetedaltesisnie. Sæjrosne www.udir.no laavenjassh mah vuesiehtieh mah laavenjassh mah åtnasuvvieh dejnie

nasjovnaale pryövine. Daesnie aaj aarebi elektrovneles nasjovnaale pryövuh eengelsken gielesne jïh ryöknedimmesne.

Gieh illedahkide åadtjoeh?

Learohke jïh eejhtegh edtjeh bievnesh illedahki bijre lohkehtæjjeste åadtjodh gosse illedahkh pryövijste gaervies. Fierhtene skuvlesne edtja evtmes illedahkide nuhtjedh juktie lierehtimmien sjehtedidh. Bihkedimmiamaterijelle lea evtiedamme lohkehtæjjide mah buerkiestieh guktie dah maehtieh illedahkigujmie vijriesåbpoe barkedh.

Ajve lohkehtæjjah jïh skuvle åadtjoeh learohki illedahkh vuejnedh. Lohkehtæjjah jïh skuvle sjeavohtsvoetediedtem utnieh dan aktegs learohken pyöve-illedahki bijre.

Orre jaepien 2014

Daan jaepien raejste mahta illedahkide nasjovnaale pryövijste eengelsken gielesne jïh ryöknedimmesne nuhtjedh juktie evtiedimmien mööledh guhkiebasse. Daate sæjhta jiehtedh skuvle jïh tjielte guhkiebasse sijhtieh vuejnedh mejtie learohki illedahkh buerebe sjidtieh. Juktie viehkienuepide bueriedidh åvtese sæjhta illedahkide åehpiedehtedh aktene orre skaalesne sijjesne Skoleporten daan jaepien. Daesnie sæjhta skuvlen, tjielten, fylhken jïh abpe laanten illedahkh bæjhkoehdih. Learohkh sijhtieh bievnesh bååstede åadtjodh haalvemedaltesijste bijre goh aarebi.

Doh pryövuh lohkemisnie saemien gielesne eah tsevtseme sjidth dæjstie jarkelimmijste. Daesnie sæjhta illedahkide åehpiedehtedh goh gaskemedtien poengelåhkoeh fierhten pryövese goh aarebi jaepiej.

Dov gyhtjelassh?

Gaskesadth dov skuvline jallh tjaangh mijjen nedtesæjrojde: www.udir.no/nasjonaleprover



Gåessie edtja pryövide tjrrehtidh?

Biejje	8. daltese	Pryövesårhte
Gaskevåhkoen 17.9.	Lohkeme 8. jñh 9. daltese	Paehperepryövñh
Gaskevåhkoen 17.9.	Lohkeme saemien gïelesne 8. jñh 9. daltese	Paehperepryövñh
15.9.–10.10.	Ryöknedimmie 8. jñh 9. daltese	Elektrovneles pryövñh
15.9.–10.10.	Eengelsken gïele 8. daltese	Elektrovneles pryövñh
Biejje	5. daltese	Pryövesårhte
Gaskevåhkoen 15.10.	Lohkeme 5. daltese	Paehperepryövñh
Gaskevåhkoen 15.10.	Lohkeme saemien gïelesne 5. daltese	Paehperepryövñh
13.–25.10	Ryöknedimmie 5. daltese	Elektrovneles pryövñh
13.–25.10	Eengelsken gïele 5. daltese	Elektrovneles pryövñh

Pryövetijje lohkemasse jñh ryöknedæmman lea 90 minudth, mearan pryövetijje eengelsken gïelese lea 60 minudth.



Tellefovne 23 30 12 00
www.udir.no